



Universitätsbibliothek Paderborn

Antidota Evangelica contra horum temporum hæreses

Stapleton, Thomas

Antverpiae, 1595

74. Vt sine timore de manu inimicorum nostrorum liberati, seruiamus illi in sanctitate & iustitia coram ipso omnibus diebus nostris.

urn:nbn:de:hbz:466:1-39546

74. *Vi sine timore de manu inimicorum nostrorum liberati, seruamus illi in sanctitate & iustitia coram ipso omnibus diebus nostris.*

QVAM hic locus ad necessitatem bonorum operum, quæ omnibus in Christum credentibus incubit, perspicue demonstrandam plurimum valeat, dupliciter illum hæretici corrumpunt atq; deprauat. Primum illud, *sine timore*, exponunt de certitudine gratiæ, quam fingunt; & animi tranquillitate ac securitate, quā iam in Christo reconciliati concipiunt: ut timor anxietatem & ægritudinem animi seu dubitationem de salute, & de propitio erga nos Deo hoc loco significet, quia cum hac dubitatione, & sine certa fiducia salutis, Deo liberè & hilariter seruire non possumus. Deinde, seruire Deo in sanctitate & iustitia, ad animi gratitudinē referunt, quæ deceat filios Dei; non ad necessariam obedientiam, qua ad vitam æternam perueniatur. Sic Caluinus & Beza hunc locum peruerunt, totumque Scripturæ sensum inuertunt. Caluini verba sunt. *Quod dicit, ut sine timore seruimus*, significat non posse nisi tranquillis animis ritè Deum coli. *Quum igitur Deus homines sibi in Christo reconciliet, quum eiusdem presidio ipsos tuatur ut securi sint ab omni metu, quum eorum salutem in eius manum & custodiam deposuerit, meritò Zacharias nos eius gratia prædicat à metu liberari.* Sic & Beza: Significat hoc loco timor futuri mali ægritudinem, quæ pugnat ex diametro cum fiducia illa filiorum Dei, qui fide iustificati pacem habent. Seruire omnibus diebus Deo in sanctitate & iustitia, exponit Caluinus hoc modo: *Quum sibi in perpetuum homines Deus adoptet, non debet caduca vel existere temporis eorum esse gratitudo.* Et paulo antè: *Sicut effectus (inquit) causa salutis nostræ gratuita Dei bonitas fuit,* ita

Operum
bonorum
necessitas
defenditur.

In Har-
monia.

In Annot.
in hunc
locum.

ita finalis est, ut homines piè sancteque viuendo nomen eum glorificent. Callida hæc & impia est textus Euan-gelici corruptio, ad statuendam hæreticorum fiduciam, & ad tollendam obedientiae mandatorum necessitatē. De quo timore loquatur Zacharias, ex verbis eius adiunctis aduertendum est. *Vt seruimus* (inquit) *sine timore, de manu inimicorum nostrorum liberati.* Hæc verba & horum tractationē penitus omisit Caluinus, ut facilius fucum lectori faceret. Nec illa etiam tractavit Beza. Iste autē inimici, ē quorum manu ac potestate liberati, seruimus Deo absque timore, sunt ipse Satanæ eiūsque copia, ut in superiori versiculo, *Salutem ex inimicis nostris, & de manu omnium qui oderunt nos,* Caluinus ipse exposuit. Sertire igitur sine timore, hoc loco nihil aliud significare potest quam non timere amplius diabolum aut copias eius, & non timere pnam quam ille reprobis infert, non timere insidias quas ille struit. Cum illo enim perpetua nobis pugna est. *Non est nobis colluctatio aduersus carnem & sanguinem sed aduersus principes & potestates tenebrarum harum.* Ille est aduersarius cum quo consentiendum est dum adhuc in via sumis, ne trahat nos ad Iudicem: quis sensu per circuit sicut leo rugiens, querens quem deuoret. Hunc timere amplius non debemus, sed contemnere, eique resistere: iuxta illud Iacobi. *Resistite diabolo, et fugite a vobis.* Christus enim dedit se nobis, natus est nobis, passus est pro nobis, vicit diabolū tentantem, vicit moriendo, ut per mortem destrueret eum qui habebat mortis imperium, id est, diabolum, & liberaret eos qui timore mortis (id est, timentes semper quid de anima fieret post mortem) per totam vitam obnoxij erant seruituti. Ab hoc timore mortis, & ab hac seruitute diaboli liberauit suos Christus, ut ab hoc timore seruili, & ab hac seruitute diaboli & peccati,

Ars Cal.
uini.

Seruire
Deo sine
timore
quid.

Ephes. 6.

Matth. 5.

1. Pet 5.

Iac. 4.

Heb. 2.

tati liberati, ita demum seruirent Deo in iustitia & sanctitate, &c. Hoc paucioribus verbis dixit Paulus. Liberati à peccato serui facti estis iustitiae. Non agitur h̄ic de pace aut tranquillitate, sed de puritate Conscientiae & libertate conscientiae. Christus dedit se nobis ut primum omnem timorem seruilem, seu spiritum seruitutis in timore, qui status erat filiorum veteris testamenti, excuteremus, nec diabolum, nec mortem, nec peccati iugū aut duram consuetudinem timentes; deinde vetustate omni sublata, & de manu inimicorum illorum liberati, ita demum spiritum adoptionis filiorū Dei accipēmus, seruientes iustitiae, ut Paulus loquitur; siue seruientes Deo in iustitia & sanctitate, ut h̄ic Zacharias loquitur. Porro hoc ipsum seruire Deo in iustitia & sanctitate, non est (ut Caluinus fraudulententer scribit) causa finalis salutis nostræ, sed est causa finalis redēptionis per Christum factæ, & una causa efficiens salutis nostræ, quatenus vitâ æternam significat. Christus enim dedit se nobis, ut h̄ic Zacharias loquitur, vel, ut Paulus plenius scribit, Tit. 3. Dedit semetipsum pro nobis ut redimeret nos ab omni iniquitate, & mundaret sibi populum acceptabilem, sc̄tatem bonorum operū. Hic est finis proximus passionis Christi, ut liberaret ab iniquitate & à manu inimicorum nostrorum, & sic mundaret sibi populum acceptabilem, &c. id est, sua gratia nouum spiritum conferret, nouā charitatē diffunderet in cordibus nostris, quo spiritu gratiae accepto & qua charitate in corde diffusa, seruiremus Deo in sanctitate & iustitia. Christi passionis h̄ec finalis causa fuit, non autem salutis nostræ. Salutis quippe nostræ, siue ut saluemur, Deoque in æternum fruamur, primaria quidem efficiens causa est gratuita Dei bonitas, meritoria Christi passio,

Rom. 6.
Consciencie
puti-
tatem in
securita-
tate verit
Caluinus.

sio, instrumentalis causa, quæ ad efficientem
reducitur, est ipsa iustitia & sanctitas qua serui-
mus Deo omnibus diebus nostris. Per hanc enim
Dei seruitutem, siue per obedientiam mandatorum
Dei, in qua & secundum quam seruimus Deo, quasi
per viam necessariam & à Deo præscriptam, per-
venimus ad vitam æternam, iuxta clarissima Chri-
sti verba: *Si vis ad vitam ingredi, serua mandata.* Serui-
mus igitur Deo non solum per modum gratitudi-
nis, ne simus filii ingrati; nec tantum per modum
liberalitatis, quasi cultu spontaneo Deum colen-
tes; nec denique ob illū tantū finē ut Deus glori-
ficeret, quæ omnia hīc Caluinus ponit ut aliquid
pro pietate dicere videatur; sed præterea per mo-
dum necessariæ obedientiæ: necessariæ dico, cum
quia sine ea ad vitam æternam non ingrediemur,
cum quia hīc finis est & proprius effectus passio-
nis Dominicæ, siue causa præcipua cur dedit se
nobis Christus, ut hīc Zacharias loquitur, & Pau-
lus expressius docuit. Tenemus iam quām impie
& fraudulenter rotum hunc textus Euangelici
sensum Caluinus deprauavit. Notandum quo-
que verbum seruire hoc loco, apud Lucam esse
λατρευειν; quo vocabulo cultus latriæ Deo pro-
prius notatur. Ut hinc intelligamus vitæ sancti-
tatem atque iustitiam proprium esse Dei cultum,
quem Deo debemus præcipue & necessariò: ideo-
que bonis operibus, non sola fide, Deum proprié-
atque imprimis coli.

77. *Ad dandam scientiam salutis plebi eius in remissionem
peccatorum.*

HVNC sibi locum valde propitiū & opor-
tunum existimauit Caluinus, ex quo im-
putacioni suam iustitiam fabricaret. *Præcipuum*
(inquit)